

Октябрин 1-шинäs авн агротехническ курс эклдж кöдлхмн

Целинн района „Ленинский“ совхозин хööchнр, малчнр, альчнр болн механизатор-муд медрлән öөдлүлхин кергт агрозоотехническ курст сурц-хахмн. Агрозоотехническ курсин багшнр болдж совхозин ах зоотехник Манжиков, малин эмч Хуршудьянц, агроном Никитин болн механик Сидоровский батлгдв.

Энджл агрозоотехническ курст 15 күн сурх зöвтä. Эдн кöдл-

мшән кегъя бäädж, медрлән öөдлүлдж, тус-тустан эврәннь кöдлмшин халхарн олн джилä öмн нүүрин дамшлтин эрдм дасх зöвтä.

Эдн курст үвлин цагт мал ягъдж асрдж бärх, хот-хоо-линъ ягъдж öгхин, хальдвр гемлä ягъдж ноолдхин, күнд кöдлмшиг гийгрүлхин тöлäd ягъдж механизировать кехин тускар сургъмдж авцхахмн.

БАКАН Бембä.